

行如實人若想憶想知想是名輕想此想身  
微受正微受緣微受以何身受意身受是謂  
輕想上身行若比丘此定親近多修學如意  
所欲離地上行無有限量近遠盡能往至如  
實人若想憶想知想是名輕想若此想身微  
受正微受緣微受以何身受意身受是謂輕

想上身行

若比丘彼樂想輕想親近正親近多修學欲  
令我心調伏寂靜由力自在如意所欲成就  
種種神足若彼樂輕想親近正親近多修學  
已心調寂靜由力自在如意所欲得成就種  
種神足彼受種種無量神足能動大地以一

為多以多為一若近若遠高出墻壁徹過無  
礙如行虛空結跏趺坐遊空如鳥於地出沒  
猶出入水覆水如地身出烟焰如火聚日  
月有大威德手能捫摸乃至梵天身得自在  
如定品廣說是名欲定斷行成就修神足精  
進定心定慧定斷行成就修神足亦如是廣

說

舍利弗阿毗曇論卷第十一

崖窟皆上反林藪下音堆撲上丁回反挽音曉

啤豆迷上反羸劣垂上反膝脹下上反江疋疋反降一反

青瘞去下反脛反胡定踰上時膝也下軟反米反作膾脛

臆脊寬上音脇肋下上音虛業反鍛丁亂反陶洽二字

野諛諭正上音逾下音匿惡上力反強毅既下反仇勵音挑

二字音撒直正作傲竊情上音愈藝惜上都鄒

力反刺上徒登覆蔽必音副下搏音圓津液下

亦下陂湖碑上音共末

舍利弗阿毗曇論卷第十一 邱十一

舍利弗阿毗曇論卷第十二 邱十二

姚秦天竺三藏曇摩多共譯

非問分禪定品第九

因緣具足則能得定因緣不具不能得定修  
定有如此因緣謂比丘愛護解脫戒成就威  
儀行已行處愛護微戒懼如金剛受持於戒

斷邪命行正命善知識善親厚善衆攝諸根門飲食知足勤行精進初不睡眠離障礙法如此比丘知斷五蓋心垢損智慧法離欲惡不善法有覺有觀離生喜樂成就初禪行乃至斷苦樂先滅憂喜不苦不樂捨念淨成就第四禪行

云何愛護解脫戒若隨順戒不行放逸以戒爲門爲足爲因能生善法具足成就以此戒故名爲持戒以此順不放逸名持戒護持威儀行是謂愛護解脫戒

云何成就威儀行一切身不善行一切口不善行一切意不善行是名非威儀行身一切

善行口一切善行意一切善行是名成就威儀行復次恭敬和尚及和尚同學恭敬阿闍梨及阿闍梨同學恭敬上下座是名威儀行云何已行處有六非已行處若姪女處寡婦處大童女處不能男處比丘尼處沽酒處是名六非已行處又如佛說比丘莫至他國非

已行處若至他國非已行處魔得其便比丘何謂他國非已行處謂五欲也是名至五欲非已行處云何已行處若彼非威儀行此非已行處捨離正捨離緣捨離不親近正不親近緣不親近是名已行處又如佛說行於自國已行處若比丘自國已行處魔不得便比

丘何謂自國已行處謂四念處也是自國已行處若以此威儀行起正起受起受是謂威儀已行處成就

云何愛護微戒懼如金剛若微細戒若今作起意作欲和合作若於彼多起恐畏相令我莫犯是謂懼微戒如金剛

何謂受持於戒若比丘不離一切戒常持一切戒常住一切戒親近於戒持戒不瑕不穢不垢不懈不缺受持一切戒是謂受持於戒云何捨邪命行正命云何邪命若沙門婆羅門邪命自活謂諛諂詐稱占相吉凶爲他使命現相激動以利求利以此非法得衣鉢醫

藥卧具所須受用食噉以此繫染貪著凌蔑他人堪忍非法不見過患不知出世若比丘離如是等邪命如法得衣鉢醫藥卧具所須受用食噉不以此繫染貪著不凌蔑他人不堪忍非法染見過患知出世是謂斷邪命行正行

云何善知識謂沙門婆羅門持戒賢善斷貢高放逸忍辱成就自調自滅自入涅槃欲離欲欲盡乃至欲離癡癡盡應染處不染乃至應癡處不癡應止處不止應受處不受身口意業清淨正命清淨信慙愧多聞精進念慧修行八道具足戒定慧解脫解脫知見衣食知足是謂善知何謂識若識善識知共行慈重行慈究竟行慈常敬不離是名善知識云何善親厚凡夫持戒人是凡夫持戒人善親厚堅信人是堅信人善親厚堅法人是堅法人善親厚乃至阿羅漢是阿羅漢善親厚如是等自共親厚是名善親厚若善知識若

善親厚隨順不離相親近是謂善知識善親厚云何善衆若依持戒人學持戒心向彼尊上彼傾向彼解彼若依定人學定乃至彼解脫知見人學解脫知見心向彼尊上依傾向彼解彼是謂善衆

云何攝諸根門若比丘眼見色不取色相能

卅十二

三

起眼根者攝令不放逸斷惡不善法及希望世憂順持戒守護眼根得眼根戒乃至意識法不取法相能起意根者攝令不放逸斷惡不善法及希望世憂順持戒守護意根如此六觸入護微念解射念善成就行見欲過患常自護意是謂攝諸根門

云何飲食知足知量而食不掉不生不貢高不為養身不為嚴飾身唯欲安身不起瞋恚欲修梵行斷故受不生新受為活命故捨憎愛金剛常處中行不求利勤力樂行如人患瘡以藥塗之為欲令愈比丘亦亦知量而食不起掉不生貢高乃至不求利勤力樂行

云何掉食若作是念我食此食已當作身口  
意掉是名掉食

云何貢高食若作是念我食此食已當增長  
放逸是名貢高食

云何養身食若作是念我食此食已當益於  
身是名養身食

云何不為嚴飾身食若作是念我食此食當  
端正姝好妙相成就是名嚴飾身食若比丘  
不作是念我食此食當作身口意掉當作貢  
高當養身當嚴飾身是謂不掉食不貢高不  
養身不嚴身食

云何但欲令身住應作是念我食此食但欲  
令身住不終不沒是名但欲令身住

云何不起瞋恚若飢緣飢故生身心苦受若  
食過度緣過度故生身心苦受若比丘知足  
而食善思量食則瞋恚滅不生不起是名不  
起瞋恚

云何欲修梵行梵行謂八聖道也應作是念

我食此食已能修梵行念梵行久住為盡苦  
際是名欲修梵行

云何斷故受不生新受若飢緣飢故生身心  
苦受是名故受何謂新受若食過度緣過度  
故生身心苦受是名新受若比丘知足而食  
善思量食是名斷故受不生新受

卅十二

四

云何為活命故食應作是念我食此食為住  
命根護持戒行故是名為活命故食

云何捨憎愛金剛若飢緣飢故生愛煩惱金  
剛我憶念憎如是飲食若食過量緣過量故  
生憎煩惱金剛我不憶念如是過度飲食若  
比丘知足善思量食捨離憎愛煩惱金剛是

名捨離憎愛金剛

云何不求利若不以鹿食為足多食嗜味貪  
味勤求希望飲食是名求利若比丘以鹿食  
為足量食不嗜味不貪味不勤求不希望飲  
食是名不求利

云何勤力若作是念我食此食欲身勤進自



勉是謂勤力

云何樂行若飢緣飢故生身心苦受若食過度緣過度故生身心苦受是名不樂行若比丘知足善思量食無有不樂是名樂行

云何勤精進不睡眠若比丘於晝或結跏趺坐思惟或經行心離障礙法初夜若經行若

思惟心離障礙法中夜右脇著牀壘脚而眠思惟起覺想後夜若思惟經行心離障礙法是名勤精進不睡眠

云何離障礙法障礙法謂五蓋也如佛說五蓋是心煩惱損智慧法又如佛次說若在家出家人有五蓋覆心若自知義若他知義若

第十二

五

知自他義若過人法若離欲知見增進若知若見無有是處五蓋遮礙善法纏縛汚染生起結使故名障礙若修行清淨法障礙法清白明了是名離障礙法

云何斷五蓋離滅沒除是謂斷五蓋何謂心垢五蓋是心煩惱垢膩不明是名心垢

云何損智慧法五蓋覆心慧力羸劣是名損智慧法

云何離欲惡不善法欲謂五欲復次塵非欲聖法中謂是求那若憶想染著此是欲如是佛說

種種色非欲 衆生想欲染 世間色常在

健者離欲染

若此五欲中貪重貪堪忍繫著是名欲云何惡不善法身口意惡行是名惡不善法復次十不善業道是名惡不善法復次不善根相應法不善根所起無緣非受法是名惡不善法復次貪欲瞋恚愚癡忿怒怨嫌妄瞋嫉妬

慳惜諛諂欺偽匿惡無慙無愧貢高諍訟及我慢等是名惡不善法復次邪見邪覺邪語邪業邪命邪進邪念邪定邪解脫邪智及餘隨邪法是名惡不善法如是欲惡不善法苦遠離不近不雜純淨別處是名離欲惡不善法云何有覺有觀若行覺觀是謂有覺有觀

云何離生喜樂若離欲惡不善法生喜樂是名離生喜樂云何成就初禪行初禪有五支覺觀喜樂一心云何覺重覺究竟覺諸所憶念法明來至思惟心是名覺云何觀心行順行微行津液微觀心微轉是名觀云何喜歡喜踊躍是名喜云何樂心忍受樂意觸樂受

是名樂云何一心心住正住是名一心此五支是名初禪何謂初若此四禪以次順不逆以次入定行此是始此是初此是一是名初何謂禪謂捨心垢正捨緣捨是謂名禪復次煩惱未斷能斷是名禪復次煩惱斷已得現世樂行是名禪復次如是善法成就入禪明

卅十一

六

了熾盛清淨是名禪復次如是定住甚深妙義專著智慧是名禪復次行人行覺觀意喜心定如行人若受思想思惟覺觀見慧解脫無癡順信悅喜心進心除信欲不放逸念心捨境界意識界及餘隨色是名禪復次隨法非禪是隨禪法若心住正住此名禪得如定已

護持威儀住行微行是名成就初禪行若比丘身離生喜樂津液遍滿此身盡離生喜樂津液遍滿無有減少如善洗浴師善洗浴師弟子以細澡豆盛著器中以水灑已調適作搏此搏津液遍滿不乾不濕內外和潤如是比丘此身離生喜樂津液遍滿無有減少云

何津云何液云何遍云何滿如比丘住禪時離生喜樂初生正生起正起觸證身離生喜樂亦時名津住禪時離生喜樂漸開微行未能增廣身離生喜樂亦時名液住禪時離生喜樂能增廣未至彼岸身離生喜樂亦時名遍住禪時離生喜樂能到彼岸齊是謂身離

生喜樂亦時名滿如農夫初以水溉田地始津潤名津潤已水漸開微行未能增廣名液液已水漸增廣未到彼岸名遍遍已水到彼岸一切高下盡滿滿時水還瀼水口名滿比丘亦如是住禪時離生喜樂初生正生起正起觸證身離生喜樂亦時名津離生喜樂漸

卅十一

七

開微行未能增廣身離生喜樂亦時名液離  
生喜樂能增廣未到彼岸身離生喜樂亦時  
名遍離生喜樂能至彼岸齊是謂離生喜樂  
亦時名身滿復次津液遍滿如是諸句義一  
名異如佛說何謂覺若覺重覺究竟覺諸所  
憶念法明來至思惟心語是名覺諸比丘此

義不應如是說覺異重覺異究竟覺異諸所  
憶念異法明來至異思惟心語異如覺諸句  
義一名異津液遍滿亦如是義一名異如比  
丘修慈心遍解東方南西北方四維上下慈  
心普廣無異無量無怨無恙遍解一切世間  
行亦時以衆生為境界如是比丘身離生喜

樂津液遍滿時以身為境界不應如是說如  
比丘應思惟無常行離欲不善法有覺有觀  
離生喜樂成就初禪行便離生喜樂遍滿身  
得離生喜樂已除身炙心炙身煖心煖身熱  
心熱身燃心燃身焦心焦身惡心惡身不樂  
心不樂身不調心不調身不輕心不輕身不

煖心不煖身不除心不除如比丘除身炙心  
炙乃至身不除心不除已得身不炙不煖不  
熱不燃不焦得樂則無煩惱金剛不求利勤  
力樂行齊是謂離生喜樂遍滿身

云何滅覺觀若覺觀寂靜正寂靜滅沒除是  
名滅覺觀云何內淨信內有信正勝信生具  
足成就是名內淨信云何一心心獨住正住  
正獨處入定是名一心云何無覺無觀若除  
覺觀已定心喜樂具足成就是名無覺無觀  
云何定生喜樂成就二禪行云何二禪二禪  
有四支內淨信喜樂一心云何內淨信若比  
丘離欲惡不善法有覺有觀離生喜樂成就

初禪行如比丘思惟覺觀鹿我覺觀鹿內淨  
信寂靜勝比丘思惟覺觀鹿已覺觀寂靜正  
寂靜捨滅沒除盡覺觀寂靜正寂靜捨滅沒  
除盡已內淨信具足成就是名內淨信如比  
丘若以行若受教若法相若方便若專心若  
思惟若觸離欲惡不善法有覺有觀離生喜

印十一

八

樂成就初禪行如比丘行若受教乃至親近  
多修學已心向寂靜尊上寂靜傾向寂靜心  
向寂靜尊上寂靜傾向寂靜已覺觀寂靜正  
寂靜滅沒除盡覺觀寂靜正寂靜滅沒除盡  
已內淨信生具足成就是名內淨信復次比  
丘思惟覺觀是麁法滅麁法心清淨清淨心  
是名內淨信復次比丘思惟覺觀是麁法離  
麁法心清白清白心是名內淨信復次比丘  
思惟覺觀是麁法除麁法心明了明了心是  
名內淨信復次比丘思惟覺觀是麁法無覺  
無觀地寂靜勝妙是名內淨信復次比丘思  
惟有覺觀其心不軟不調不清淨不清白不  
明了無覺觀其心軟調清淨清白明了其心  
軟乃至明了是名內淨信復次比丘思惟無  
覺無觀心喜心定如行人若信入信究竟入  
信勝信淳信心信是名內淨信何謂喜如行  
人歡喜踊躍是名喜何謂樂如行人心忍受  
樂信觸樂受是名樂何謂一心如行人心信

正信是名一心如是四支若二禪何謂二如  
四禪次順不逆以次入定行二與初無有中  
間是謂二何謂禪禪謂捨心垢正捨緣捨是  
名禪乃至復次無覺觀行意喜心定如行人  
若受想思觸思惟乃至及餘所隨色是名禪  
復次隨法非禪是隨禪法若心住正住是名

卅三

九

禪得是定已護持威儀住行微行是名成就  
二禪行若比丘定生喜樂津液遍滿此身盡  
定生喜樂津液遍滿無有減少如大陂湖以  
山圍遶水從底涌出不從東方南西北方來  
自從底涌出此陂津液遍滿無有減少如是  
比丘身定生喜樂津液遍滿無有減少云何  
津云何液云何遍云何滿如比丘住禪時身  
定生喜樂生正生起正起觸證身定生喜樂  
亦時名津住禪時定生喜樂漸開微行未能  
增廣身定生喜樂亦時名液住禪時身定生  
喜樂能增廣未到彼岸定生喜樂亦時名遍  
住禪時定生喜樂能至彼岸齊是謂定生喜



樂尔時名身滿如農夫初以水溉田始津潤  
尔時名津津潤已水漸開微行未能增廣尔  
時名液液已水遂增廣未到彼岸尔時名遍  
遍已水到彼岸地一切高下盡滿滿時水還  
濃水口尔時名滿比丘亦如是住禪時身定  
生喜樂生正生起正起觸證禪定生喜樂尔

時名津乃至住禪時定生喜樂能至彼岸齊  
是謂定生喜樂尔時名身滿復次津液遍滿  
如是諸句義一名異如佛說云何觸緣明緣  
色生眼識三法和合觸眼非觸色非觸若此  
法共和合聚集是謂觸諸比丘此義不應如  
是說共異和合異集異聚異如此諸句義一  
名異津液遍滿亦復如是義一名異如比丘  
修悲遍解東方南西北方四維上下悲心普  
廣無異無量無怨無恚遍解一切世間行尔  
時以衆生為境界比丘住禪時身定生喜樂  
津液遍滿以身為境界不應如是說如比丘  
應思惟苦行滅覺觀內淨信心獨無覺觀定

生喜樂成就二禪行便定生喜樂身遍滿得  
定生喜樂已除身炙心炙乃至身不除心不  
除得身不炙不煖不熱不燃不焦得樂則無  
煩惱金剛不求利勤力樂行齊是謂定生喜  
樂遍滿身

云何離喜滅沒除盡是謂離云何捨行謂共

印十二

十

捨定得正得護持威儀住行微行是名捨行  
云何念正智念正智成就是名念正智云何  
身受樂樂謂忍樂意觸樂受是名樂此樂身  
受正受微受緣受以何身受意身受是名身  
受樂云何如諸聖人解聖人謂佛及聲聞知  
自地善法現世樂行入定出定已顯示教化  
流布開解演說分別顯現是名如諸聖人解  
捨念樂行云何成就三禪行三禪有五支共  
味捨念正智無喜樂一心云何共味捨如比  
丘滅覺觀內淨信心觸無覺無觀定生喜樂  
成就二禪行如比丘觀喜鹿我喜鹿心踊躍  
共味捨勝寂靜如比丘觀喜鹿喜寂靜正寂

靜滅沒除盡喜寂靜正寂靜滅沒除盡已共  
 味捨生正生起正起具足成就是名共味捨  
 如比丘若行乃至觸滅覺觀內淨信心觸無  
 覺觀定生喜樂成就二禪行如比丘行乃至  
 觸親近正親近多修學如比丘行乃至觸親  
 近正親近多修學已心向寂靜心向寂靜尊

上寂靜尊上寂靜傾向寂靜傾向寂靜已喜  
 寂靜證寂靜滅沒除盡喜寂靜正寂靜滅沒  
 除盡已共味捨生正生起正起具足成就是  
 名共味捨復次比丘離喜樂修無喜共味定  
 如行人捨勝捨心調正觀調心無作非受是  
 名共味捨云何念行人念憶念是名念云何

印上

上

正智如行人智見解射方便是名正智云何  
 無喜樂如行人心不忍受苦樂意觸不苦不  
 樂受是名無喜樂云何一心如行人心住正  
 住是名一心如是五支是名三禪何謂三如  
 四禪次順不逆以次入定行三與三無有中  
 間是名三云何禪謂捨心垢正捨緣捨是名

禪乃至復次離喜樂修無喜共味定如行人  
 受想思觸思惟乃至及餘隨色是名禪復次  
 隨法非禪是隨禪法若心住正住是名禪如  
 是定護持戒威儀任行微行是名成就二禪  
 行如比丘身無喜樂津液遍滿無有減少如  
 優鉢羅池波頭摩池拘勿頭池分陀利池花

從泥涌出未能出水此花若根若頭水津液  
 遍滿無有減少如是比丘身無喜樂津液遍  
 滿無有減少云何津云何液云何遍云何滿  
 如比丘住禪時無喜樂初生正生起正起觸  
 證如比丘住禪時身無喜樂亦時名津乃至  
 住禪時無喜樂能到彼岸齊是名無喜樂亦  
 時名身滿如農夫初以水溉田地始津潤亦  
 時名津潤已水漸開微行未能增廣亦時名  
 液已水遂增廣未到彼岸亦時名遍遍已水  
 廣到彼岸地一切高下盡滿滿時水還瀆水  
 口如農夫放水處齊是名滿比丘亦如是住  
 禪時身無喜樂生正生起正起觸證身無喜

樂亦時名津乃至住禪時無喜樂能到彼岸  
齊是謂名無喜樂亦時名身滿復次津液遍  
滿如是諸句義一名異如佛說此苦聖諦法  
未曾聞自思惟生智生眼生覺生明生通生  
慧生解諸比丘此不應如是說謂智異眼異  
覺異明異通異慧異解異如此諸句義一名

異津液遍滿亦復如是義一名異如比丘修  
喜心遍解東方南西北方四維上下喜心普  
廣無異無量無怨無恚遍解一切世間行亦  
時以衆生爲境界比丘住禪時身無喜樂津  
液遍滿以身爲境界不應如是說如比丘應  
思惟無我法離喜捨行念正智身受樂如諸聖

人解捨念樂行成就三禪行便無喜樂滿身  
得無喜樂已除身炙心炙乃至身不除心不  
除如比丘除身炙心炙乃至身不除心不除  
已得身不炙乃至不焦得心不炙乃至不焦  
得樂則無煩惱金剛不求利勤力樂行齊是  
名無喜樂遍滿身云何斷苦樂如比丘斷苦

切上

十二

樂是名斷云何先滅憂如比丘憂喜已滅寂  
靜正寂靜是名先滅憂喜云何不苦不樂捨  
如佛告舍利弗如聖人離欲惡不善法成就  
喜行亦時無有五法謂共欲染相續憂樂共  
欲染相續憂苦共不善喜樂共不善憂苦共  
善憂苦舍利弗如聖人離欲惡不善法成就  
喜行如是五法盡無如聖人離欲惡不善法  
得成就喜行共欲染相續喜樂乃至共善憂  
苦亦時已滅及餘共善憂樂亦滅是謂入第  
四禪云何第四禪第四禪有四支不苦不樂  
捨念淨一心云何不苦不樂捨如比丘離喜  
捨行念正智身受樂如諸聖人解捨念樂行  
成就三禪行如比丘觀無喜樂麁心猶有作  
若不苦不樂捨勝寂靜觀無喜樂麁無喜樂  
寂靜正寂靜滅沒除盡已不苦不樂捨生正  
生起正起具足成就是名不苦不樂捨如此  
比丘若行乃至觸離喜捨行念正智身受樂如  
諸聖人解捨念樂行成就三禪行如比丘行

切上

十三

乃至觸親近多修學已向寂靜已向寂靜尊  
 上寂靜尊上寂靜傾向寂靜傾向寂靜已無  
 喜樂寂靜無喜樂寂靜滅沒除盡已不苦不  
 樂捨生正生起正起具足成就是名不苦不  
 樂捨復次比丘離無喜樂修不苦不樂捨定  
 如行人身心不忍受苦樂眼觸不苦不樂受

乃至意觸不苦不樂受是名不苦不樂捨云  
 何念如行人念憶念是名念云何淨如行人  
 念離欲染清淨離惡不善法清淨離覺清淨  
 離觀清淨離喜清淨離樂清淨離苦清淨離  
 愛清淨及離餘煩惱法清淨是名淨云何一  
 心如行人若心住正住是名一心此四支是

名第四禪何謂四禪次順不逆以次入定行  
 四與三無有中間是名四何謂禪捨心垢正  
 捨緣捨是名禪乃至復次離無喜樂修不苦  
 不樂捨定如行人受想思觸思惟乃至及餘  
 隨色是名禪復次隨法非禪是修禪法若心  
 住正住是名禪得如是定護持威儀任行微

行是名成就四禪行如比丘修清淨染心身  
 遍解行無不遍處如男子女人著白淨衣上  
 下具足從頭至足從足至頭無不遍處比丘  
 亦亦修清淨心身遍解行無不遍處  
 比丘入第四禪心不高不下不憎不愛定住  
 不動猶如靜室泥治內外戶牖俱閉無有風

塵於其室內然以油燈若人非人若風若鳥  
 無有觸者然焰不高不下不傾不曲定住不  
 動比丘入第四禪亦復如是心不高不下乃  
 至定住不動云何高心共掉相應心是名高  
 心云何下心共懈怠相應心是名下心復次  
 共七慢相應心是名高心共我相應心是名

下心云何愛心共染相應心是名愛心云何  
 憎心共瞋恚相應心是名憎心此四禪中心  
 不共掉不掉相應乃至不共瞋恚相應是名  
 不高不下不憎不愛云何住若心住正住獨  
 處定是名住云何不動處不動謂第四禪如  
 佛語憂陀夷若比丘離欲惡不善法有覺有

卅一

卅



觀離生喜樂成就初禪行我說是動此有何  
動謂覺觀不滅若比丘滅覺觀內淨信一心  
無覺無觀定生喜樂成就二禪行我說是動  
此有何動謂喜未滅若比丘離喜捨行念正  
智身受樂如諸聖人解捨念樂行成就三禪  
行我說是動此有何動謂捨樂未滅若比丘

斷苦樂先滅憂喜不苦不樂捨心淨成就四  
禪行我說是不動若比丘離欲惡不善法入  
初禪從初禪起入二禪從二禪起入三禪從  
三禪起入四禪是謂到不動處

比丘如是修學四禪欲證通法隨心所欲即  
能得證自在無礙如四衢平處有善調駕四

有善御者隨意自在如是比丘親近四禪多  
修學已欲證通法隨心即得自在無礙如盛  
水瓶堅牢不漏盛以淨水平滿為飲隨人取  
用如意自在如是比丘親近四禪多修學已  
欲證通法隨心所欲自在無礙如陂泉遮水  
平滿為飲隨人決用如意自在如是比丘親

近四禪多修學已欲證通法隨心所欲即能  
得證自在無礙若比丘欲以神足動地能以  
一為多以多為一乃至梵天身得自在隨所  
欲入若欲受天耳清淨過人能聞二聲人非  
人聲隨所能入若欲知他衆生能知有欲心  
如實知有欲心無欲心如實知無欲心隨所

能入若欲憶念無量宿命能憶一生乃至成  
就此行隨所能入若欲受天眼清淨過人能  
見衆生生死乃至如所造業隨所能入若欲  
盡有漏成無漏得心解脫慧解脫現世自知  
證成就行我生已盡梵行已立所作已辦不  
受後有隨所能入如是四禪親近多修學得  
如是果報

上未

舍利弗阿毗曇論卷第十二

卅三

瑕音激擊凌音茂下莫嗜音壘倫水漑故音愛反  
攘音攘羊反而多炙音液羊益音焦音即音消